



ENQUISA DO PERFIL DE INGRESO DO ALUMNADO DO GRAO EN BIOTECNOLOXÍA DA FACULTADE DE BIOLOXÍA DA USC

Curso Académico: 2019-2020

Aprobado pola Comisión de Título do Grao en Biotecnoloxía o 14/04/2021
Aprobado pola Comisión de Calidade da Facultade de Bioloxía o 28/04/2021

Alumnos/as de nova matrícula	p. 3
Procedencia académica do alumnado	p. 3
Probas de acceso a Universidade (ingreso)	p. 4
<i>Asignaturas elexidas e rendimento nas mesmas</i>	p. 4
<i>Nota de acceso (ABAU)</i>	p. 4
Elección de Grao e Universidade (ingreso)	p. 5
Anexo	p. 6

Alumnos/as de nova matrícula

No curso 2019-2020 a Facultade de Bioloxía ofertou 50 prazas para cursar o Grao de Biotecnoloxía e o número de alumnos de novo ingreso foi de 57.

A gran maioría do alumnado procede do Bacharelato (LOMCE) de Ciencias e superaron as probas de Avaliación do Bacharelato para o Acceso á Universidade (ABAU). No curso 2019/20, o 3,4% do alumnado procede das probas para maiores de 25, o 3,4% acceden como graduados universitarios, e o 93,2% restante das probas de acceso a universidade.

Ao inicio de cada curso académico a Facultade de Bioloxía organiza un acto de acollida para o alumnado de primeiro curso, o que facilita a realización da enquisa de perfil de ingreso (Anexo). Na devandita enquisa consultóuselles sobre a nota de acceso, as materias que cursaran no bacharelato, as materias das que se examinaran na proba xeral e na específica e as cualificacións obtidas, así como a orde de prelación dos grados nos que solicitaron o ingreso e as universidades correspondentes.

A enquisa realizouse en setembro de 2019 ao alumnado que accedeu no curso 2019/20, contestando 55 alumnos/as de novo ingreso do Grao de Biotecnoloxía, polo que a consideramos representativa xa que accederon 57 alumnos/as.

Os resultados máis destacables dos datos aportados por los alumnos resúmense a continuación.

Procedencia académica do alumnado: Materias cursadas no bacharelato

O alumnado que accedeu ao Grao en Biotecnoloxía cursou maioritariamente **Matemáticas (95%), Física Química (91%) e Bioloxía e Xeoloxía (89%)** en 1º curso de bacharelato. En 2º curso, **o 98% cursou Química, o 95% Matemáticas e o 91% Bioloxía**. As porcentaxes de alumnos/as que cursaron Física, Ciencias da Terra e do Medio Ambiente e Xeoloxía son bastante menores (49, 38 e 11% respectivamente).

Probas de acceso a Universidade (Ingreso)

Asignaturas elexidas e rendemento nas mesmas

Os resultados da enquisa ao alumnado que accede ao Grao de Biotecnoloxía indican que, nas probas de acceso examínase maioritariamente de **Matemáticas (95%), Química (89%) e Bioloxía (75%)**. So o 13% elixe examinarse de Física.

Todos os/as alumnos/as, excepto un alumno/a que suspendeu Matemáticas e outro/a Bioloxía, que acceden ao Grao de Biotecnoloxía superaron os exames das distintas materias e as medianas son todas superiores a 8,5 puntos sobre 10. Destaca o elevado valor da mediana en Matemáticas (9 puntos sobre 10) (Figura 1).

Pódese concluír que o alumnado que accede ao Grao en Biotecnoloxía que se imparten na Facultade de Bioloxía cursou maioritariamente as materias de Bioloxía e Xeoloxía, Física e Química, Matemáticas I, Bioloxía, Química e Matemáticas II. Isto plásmase na elección das materias das que se examinan na ABAU que adoitan ser Bioloxía, Química e Matemáticas, nas que aproban a maioría do alumnado e presentan unhas notas cuxo valor da mediana corresponde a unha cualificación de notable alto en Bioloxía e Matemáticas e de sobresaínte en Química.

Nota de acceso da ABAU

As notas de acceso do alumnado de Biotecnoloxía son moi elevadas, na maioría do alumnado son superiores a 12,3 puntos sobre 14, con media de 12,8 e mediana de 12,7 puntos. En seis dos alumnos as cualificacións son máis baixas (entre 6 e 11,9 puntos) o que debe de estar relacionado con accesos a través das probas para maiores de 25 anos e/ou graduados universitarios.


Pódese concluír que o alumnado que acceden ao grao que se imparten na Facultade de Bioloxía é un alumnado con notas de acceso de notable e sobresaínte.

Elección de Grao e Universidade

A porcentaxe de alumnado que seleccionou o Grao en Biotecnoloxía da USC como primeira e segunda opción foi do 87% e 11% respectivamente.

Pódese concluír que a maioría dos/as alumnos/as que cursa o grao de Biotecnoloxía na Facultade de Bioloxía da USC seleccionaron estes estudos como a súa primeira opción.

Figura 1. Distribución dos valores das notas da ABAU por materia nos/nas alumnos/as que accederon a estudos de grao na Facultade de Bioloxía no curso 2019/2020. As caixas representan os cuartís e os bigotes os valores mínimos y máximos para as distintas materias (B: Bioloxía, F: Física, M: Matemáticas e Q: Química). A liña vermella representa o valor de 5. Inclúese tamén a porcentaxe do alumnado que realizou as probas de cada materia (liña negra).



Anexo. Enquisa do perfil de acceso

ENQUISA PERFIL DE INGRESO

1) Nota da ABAU de acceso ao Grao :

2) Materias cursadas en Bacharelato (contesta Si/Non no espazo adxacente):

Bioloxía e Xeoloxía	
Física e Química	
Matemáticas I	
Bioloxía	
Química	
Xeoloxía	
Física	
Matemáticas II	
Ciencias da Terra e do Medio Ambiente	

3) Materia obrigatoria de modalidade da que te examinaches na ABAU (inclúe a nota que obtiveches, se te acordas ou a podes consultar, na paréntese):

.....(.....)

4) Que materias escolliches para a fase específica da ABAU? (inclúe a nota que obtiveches, se te acordas ou a podes consultar, na paréntese):

.....(.....)

.....(.....)

.....(.....)

.....(.....)

5) Cal foi a túa orde de prelación dos graos que escolliches e en que universidade?

Opción	Grado	Universidade
Primeira		
Segunda		
Terceira		
Cuarta		